

1 Nadid, séye i kamshalan a baheta tungkul ni Hesus Kristu, a anak na Dios. **2** Nagsapul ta kona se a baheta: Sinulatan ni Purupeta Isaya du tolay, no a utusan na Dios tu anak na a umogsad ta mundua. Pero pagdetulén na kan pa tu pinakangbégi na a monda makapaghanda du tolay ta demtan na anak na. I tinulusan pinakangbégi na Dios éy ta labunga a dikél. **3** Méghéhatulén kan sa siya du tolay, a "maghanda kam dén da dumemét i Panginoon tam. Gemtén moy i mahusay monda mapospusan na a masaya kam kédemét na." **4** Nadid, ti Huan a mégbinyag, siya ya i pinakangbégia na Dios. Edsa dén siya to dikél a labung a négbébinyagén du tolay.